

პრეზიდენტ ჰენრი ბ. აირინგის მიერ  
პირველი პრეზიდენტობის პირველი მრჩეველი

# შაბათის მადლიერება

უკანასკნელი დღეების წმინდანებისთვის შაბათი არის მადლიერებისა და სიყვარულის დღე.

ჩემო ძვირფასო დებო და ძმებო, რომლებიც გაფანთულნი ხართ მთელს მსოფლიოში უკანასკნელ დღეთა წმინდანთა იესო ქრისტეს ეკლესიაში. მე მადლიერი ვარ პრეზიდენტი თომას ს. მონსონის, რომელმაც მთხოვა, სიტყვით გამოვსულიყავი კონფერენციაზე ამ შაბათ დღეს. მე ვლოცულობ იმაზედ, რომ სულიწმინდამ ჩემი სიტყვები თქვენს გულთან მიიტანოს.

დღეს მე მსურს ვისაუბრო გულის გრძნობებზე. ერთ-ერთი რამ, რაზედაც დღეს მოვახდენ ფოკუსირებას, არის მადლიერება, განსაკუთრებით შაბათს.

ჩვენ მრავალი რამის გამო ვგრძნობთ მადლიერებას: უცნობი ადამიანის სიკეთის გამო, შიმშილის დროს მიღებული სადილისთვის, სახურავისთვის, რომელიც არ წვეთავს ქარიშხლის დროს, მოტეხილი ძვლის შეხორცებისთვის და ახალშობილის ღონიერი ტირილისთვის. მრავალ ჩვენგანს ეხსომება მადლიერების გრძნობა ასეთ მომენტებში.

უკანასკნელ დღეთა წმინდანთათვის შაბათი არის მადლიერებისა და სიყვარულის მომენტი და დღე.

უფალმა ურჩია წმინდანებს 1831 წ. მისურში, ჯექსონის ოლქში, რომ მათი ლოცვები და მადლიერება მიემართათ ზეცისკენ. წმინდანებს ადრეულ წლებში მიეცათ გამოცხადება იმის თაობაზე, როგორ დაეცვათ შაბათი დღე, როგორ ელოცათ და ემარხულათ.

მათაც და ჩვენც უფალმა გვითხრა, როგორ გამოვხატოთ მადლიერება და თაყვანი ვცეთ ღმერთს შაბათს. როგორც ხედავთ, ყველაზე დიდი მნიშვნელობა აქვს სიყვარულს, რომელსაც ვგრძნობთ მათ მიმართ, ვინც ძღვენს გვიბოძებს. აი უფლის სიტყვები იმის შესახებ, როგორ გამოვხატოთ მადლიერება და სიყვარული შაბათს:

„ვაძლეე მათ მცნებას და ვეუბნები: გიყვარდეთ უფალი, თქვენი ღმერთი, მთელი თქვენი გულით, ძალით, გონებით და ღონით; და იესო ქრისტეს სახელით უნდა ემსახუროთ მას. . . .“

„ყველაფერში იყავით მადლიერი უფლისა, თქვენი ღმერთის.

„უფალს, თქვენს ღმერთს, შეწირეთ სიმართლეში გატეხილი გული და მოდრეკილი სული“.<sup>2</sup>

და შემდგომ, უფალი გვაფრთხილებს იმ ხიფათის შესახებ,

რომელიც გველის, თუკი დავივიწყებთ მამაზეციერისა და იესო ქრისტეს მიმართ სიყვარულისა და მადლიერების გამოხატვას, როგორც ამ ძღვენის მბოძებელთა მიმართ. „და არაფრით ისე არ განაწყენებს ადამიანი ღმერთს და არაფერზე ისე ძალიან არ ღვივდება მისი რისხვის ცეცხლი, როგორც მათ წინააღმდეგ, რომელნიც არ აღიარებენ მის ხელს ყველაფერში და არ იცავენ მის მცნებებს“.<sup>3</sup>

მრავალი თქვენგანი, ვინც ახლა გვისმენს, უკვე ტკბება შაბათით, როგორც ისეთი დღით, როცა უნდა გავიხსენოთ ღმერთი და მადლობა გადავუხადოთ მას დალოცვებისთვის. თქვენ გახსოვთ ნაცნობი ჰიმნი:

*როდესაც ცხოვრება გიწყობს  
განსაცდელს,  
როდესაც გგონია, რომ მარტო  
ხარ შენ,  
ჩამოთვალე ყველა შენი  
კურთხევა,  
და მიხვდები, ღმერთმა  
გადაგარჩინა.*

*ჩამოთვალე ყველა შენი  
კურთხევა;  
სათითაოდ და ერთად.  
ჩამოთვალე ყველა შენი  
კურთხევა;  
და ნახავ ღმერთთა მარადუამს  
შენთან. . . .“*

*თუკი შენი ტვირთი ასე მძიმეა?  
ისე მძიმე, როგორც ქრისტეს  
ჯვარი?*

*ჩამოთვალე ყველა შენი  
კურთხევა,  
და ცხოვრება გაგიხდება ლაღი.<sup>4</sup>*

მე ვიღებ წერილებს უკანასკნელი დღეების ერთგული წმინდანებისგან, რომლებიც თვლიან, რომ მათი ტვირთი მძიმეა. ზოგიერთი მათგანი მიუახლოვდა ამ შეგრძნებას, მათი აზრით, ყველაფერი დამთავრდა. მე ვიმედოვნებ და ვლოცულობ იმაზე, რომ რასაც ვიტყვი შაბათის მადლიერების შესახებ, დაგეხმაროთ ცხოვრების გალაღებაში და გულში სიმღერის დაწყებაში.

ერთ-ერთი დალოცვა, რომლისთვისაც შეიძლება მადლიერნი ვიყოთ, არის ის, რომ საერთოდ ვიმყოფებით ზიარებაზე, სადაც ერთ ან ორ მოწაფესთან ერთად უფლის სახელით შევიკრიბეთ. არიან ისეთნი, ვინც სახლში ლოგინს არიან მიჯაჭვულნი. არიან ისეთნიც, ვისაც სურთ იყონ იქ, სადაც თქვენ იმყოფებით, მაგრამ საავადმყოფოებში მუშაობენ ან მოსახლეობის უსაფრთხოებას უზრუნველყოფენ ან გიცავენ სადმე უდაბნოში ან ჯუნგლებში და საკუთარ სიცოცხლეს რისკის ქვეშ აყენებენ. თუნდაც ის ფაქტი, რომ შეგვიძლია შევიკრიბოთ ერთ წმინდანთან მაინც და მივიღოთ ზიარება არის საკმარისი იმისთვის, რომ ვიგრძნოთ მადლიერება და სიყვარული ღმერთის სიკეთის გამო.

ჯოზეფ სმითისა და მისი აღდგენილი სახარების გამო არის კიდევ ერთი დალოცვა - შესაძლებლობა ყოველ კვირას მივიღოთ ზიარება, რომელიც მოამზადეს, აკურთხეს და დაარიგეს ღვთის უფლებამოსილმა მსახურებმა. ჩვენ შეგვიძლია მადლიერნი ვიყოთ მაშინ, როცა სულიწმინდა დაგვიდასტურებს, რომ ზიარების ლოცვის სიტყვებს, რომლებიც მღვდლობის მატარებელი უფლებამოსილი პირის მიერ წარმოითქვა, მამაზეციერი პატივის სცემს.

ყველა დალოცვებიდან, რომლების ჩამოთვლაც შეგვიძლია, მიტევების გრძნობა, რომელიც გვებადება ზიარების მიღებისას, ყველაზე დიდია. ჩვენ ვიგრძნობთ უფრო დიდ სიყვარულსა და მადლიერებას მხსნელის მიმართ,

რომლის უზომო მსხვერპლმა შესაძლებელი გახადა ჩვენი ცოდვებისგან განწმენდა. როცა პურსა და წყალს ვიღებთ, ჩვენ ვიხსენებთ, რომ იგი ჩვენთვის დაიტანჯა. და როცა მადლიერებას ვგრძნობთ იმისთვის, რაც მან ჩვენთვის გააკეთა, ჩვენ ვგრძნობთ მის სიყვარულს ჩვენსადმი და ჩვენს სიყვარულს მის მიმართ.

სიყვარულის დალოცვა, რომელსაც ვიღებთ, გაგვიადვილებს მცნების დაცვას - „მარად გახსოვდეთ იგი“.<sup>5</sup> თქვენ, ისევე, როგორც ახლა მე, შეგიძლიათ სულიწმინდის მიმართაც კი იგრძნოთ სიყვარული და მადლიერება, რომელიც, მამაზეციერის დაპირებისამებრ, მარად იქნება ჩვენთან, თუკი დავრჩებით ერთგულნი ჩვენი დაპირებებისა. ჩვენ შეგვიძლია ჩამოვთვალოთ ეს კურთხევები ყოველ კვირას და მადლიერნი ვიყოთ მათთვის.

შაბათი ასევე არის სრულყოფილი დრო იმისთვის, რომ გავიხსენოთ ჩვენ მიერ ნათლობის წყალში დადებული აღთქმა - ყოველთვის გვიყვარდეს და ვემსახუროდეთ მამაზეციერის შვილებს, რომლებიც ჩვენს შორის არიან. შაბათს ამ დაპირების აღსრულება შეიძლება გამოიხატებოდეს მთელი გულის წადილით კლასში ან ქვორუმში მონაწილეობის მიღებით იმ მიზნით, რომ ჩვენს დებსა და ძმებს შორის აღიზარდოს სიყვარული და რწმენა, ან კიდევ ხალისით ვიმსახუროთ მიღებულ მოწოდებაში.

მე მადლიერი ვარ იმ მრავალი კვირისთვის, როცა დიაკვანთა ქვორუმს ვასწავლიდი ბაუნთიფულში, იუტაში, ასევე საკვირაო კლასს აიდაჰოში. ის დროც კი მახსოვს, როცა ჩემი მეუღლის ასისტენტად ვმსახურობდი ბაგა ჯგუფში, სადაც ჩემი მთავარი დავალება იყო სათამაშოების ძირიდან აღება და მიცემა.

წლები გავიდა, სანამ სულიწმინდის დახმარებით მივხვდი, რომ ჩემს უბრალო მსახურებას უფლისთვის მამაზეციერის შვილების ცხოვრებაში მნიშვნელობა ჰქონდა.

ჩემდა გასაკვირვად ზოგიერთ მათგანს დავამახსოვრდი და მადლობას მიხდინენ კვირაობით მათთვის მსახურებისთვის, თუმცა მაშინ ახალბედა ვიყავი.

რადგან ჩვენ ზოგჯერ ვერ ვხედავთ ჩვენი კვირაობით მსახურების შედეგებს, შეიძლება ვერ შევნიშნოთ სხვების უფლისადმი ერთობლივი მსახურების ეფექტი. მაგრამ უფალი, ერთგული და თავმდაბალი მსახურების დახმარებით, ჩუმად აშენებს თავის სასუფეველს პატარა ფანჯარებით დიდებულ ათასწლეულ მომავალში. სულიწმინდაა საჭირო ამ ჩინებულების დასანახად.

მე გავიზარდე ნიუ-ჯერსის მრევლში, სადაც ზიარებაზე სულ რამდენიმე ადამიანი და ერთი ოჯახი გვყავდა - ეს ჩემი ოჯახი იყო. სამოცდათხუთმეტი წლის წინ მე მოვინათლე ფილადელფიაში, პენსილვანიასა და ნიუ-ჯერსში ერთადერთ არსებულ სამლოცველოში. და თუ პრინსტონში, ნიუ-ჯერსიში, ადრე ერთი პატარა მრევლი იყო, ახლა იქ ორი დიდი მეურვეობაა. და სულ რამდენიმე დღის წინ ათასობით ახალგაზრდამ მიიღო მონაწილეობა ფილადელფიის პენსილვანიის ტაძრის მიძღვნის ცერემონიაში.

მე, როგორც ახალგაზრდა მამაკაცი, მომიწვიეს ოლქის მისიონერის პოზიციაზე ნიუ-მექსიკოს ერთადერთ სამლოცველოში, ალბუქერქეში, სადაც ჩვენ კვირაობით ვმსახურობდით. დღეს იქ ტაძარი და მრავალი პალოა.

მე ალბუქერქიდან წამოვედი მასაჩუსეტში, რათა კემბრიჯში მევლო სკოლაში. როდესაც აილენდისა და მასაჩუსეტის ტერიტორიაზე ერთი სამლოცველო და რაიონი იყო. მე ამ მშვენიერი სოფლის გორაკებზე პაწაწინა მრევლში ზიარებაზე დასასწრებად მანქანიდან დავდიოდი. მათ უმეტესობა ან პატარა გადაკეთებულ სახლებში იკრიბებოდა ან კიდევ პატარა ნაქირავებ შენობებში. ახლა ბელმონტში, მასაჩუსეტსში, ღვთის წმინდა ტაძარი და პალოებია,

რომლებიც მთელ ტერიტორიაზეა გადაჭიმული.

მაშინ ნათლად ვერ ვხედავდი, რომ უფალი უხვად მოჰყენდა თავის სულს ადამიანებზე ზიარების იმ მცირერიცხოვან შეკრებებზე. მე ვგრძნობდი ამას, მაგრამ ვერ ვხედავდი უფლის მასშტაბსა და დროს თავისი სასუფეველის ასაშენებლად. წინასწარმეტყველმა გამოცხადებაში იხილა და ჩაიწერა ის, რისი დანახვაც თავადაც შეგვიძლია. ნეფიმი თქვა, რომ ჩვენი რიცხვი მრავალი არ იქნება, მაგრამ ერთობლივი სინათლე თვალსაჩინო იქნება.

„და იყო ასე, რომ შევნიშნე ღვთის კრავის ეკლესია და მასში მყოფთა რიცხვი იყო მცირე. . . .“

„და იყო ასე, რომ მე, ნეფიმი, ვიხილე ღვთის კრავის ძალა, რომელიც ჩამოვიდა კრავის ეკლესიის წმინდანებზე და უფლის აღთქმულ ხალხზე, რომელნიც გაფანტულნი იყვნენ დედამიწის ზურგზე; და ისინი შეიარაღებულნი იყვნენ სიმართლით და ღვთის ძალით, დიდი სიდიადით“.<sup>6</sup>

ამ წყობაში ჩვენი ვითარებისა და შესაძლებლობების მსგავსი წინასწარმეტყველური განმარტება გაკეთდა მოძღვრება და აღთქმებში:

„თქვენ ჯერ ვერ გაიგეთ, როდენ დიდია მამის ხელებში მისი კურთხევები, რომლებიც მოგიმზადათ თქვენ;“

„და თქვენ ახლა ვერ აიტანთ ყველაფერს; მიუხედავად ამისა, გამხნევდით, რადგან წინ წაგიძღვებით. თქვენია სასუფეველი და კურთხევები და მარადისობის სიმდიდრენი თქვენ გეკუთვნით.“

„და ის, ვინც ყველაფერს იღებს მადლიერებით განდიდდება; და დედამიწისგან დაემატება მას, დიახ, ასობით, დიახ იმაზე მეტიც კი“.<sup>7</sup>

მე ვიგრძენი, რომ ზრდადი მადლიერების ტრანსფორმირება კურთხევებისა და ღვთის სიყვარულისთვის იზრდება ეკლესიაში.

როგორც ჩანს, ეკლესიის წევრთა შორის იზრდება მათი რაოდენობა, ვისი რწმენაც უნდა გამოიცადოს და ისინი ღმერთს ევედრებიან, დაეხმაროს მათ, გააგრძელონ ცხოვრება.

მომავალი საცხაეა მძიმე განსაცდლებით, როგორც ეს ალმას ხალხისთვის იყო სასტიკი ამულონის დროს, რომელმაც მეტისმეტად მძიმე ტვირთი დაადო მათ ზურგზე:

„და იყო ასე, რომ უფლის ხმა მოვიდა მათთან მათ ტანჯვის დროს: აწიეთ თავი და დამშვიდდით, რადგან ვიცი იმ აღთქმის შესახებ, რომელიც დადეთ ჩემთან; და მე დავდებ ჩემს ხალხთან აღთქმას და ვიხსნი მათ ტყვეობისგან.“

„და მე ასევე შევამსუბუქებ თქვენს მხრებზე დადებულ ტვირთს, ისე რომ თქვენ ვერც იგრძნობთ მას ზურგზე, თქვენს ტყვეობაშიც კი; და მოვახდენ ისე, რომ ამის შემდეგ იქნებით ჩემი მოწმენი და ზუსტად გეცოდინებათ, რომ მე, უფალი ღმერთი, ვეწვევი ჩემს ხალხს მათი გაჭირვების ჟამს.“

„და ახლა, იყო ასე, რომ ალმაზე და მის ძმებზე დადებული ტვირთი შემსუბუქდა; დიახ, უფალმა გააძლიერა ისინი, რომ ადვილად შეძლებოდათ ტვირთის ზიდვა და ისინი მხნედ და მოთმინებით დაემორჩილნენ უფლის ნებას“.<sup>8</sup>

მე და თქვენ ვართ მოწმენი იმისა, რომ როცა კი ვიცავდით ჩვენს აღთქმებს ღმერთთან, განსაკუთრებით მაშინ, როცა ეს ძნელი იყო, მან შეისმინა ჩვენი მადლიერების ლოცვები იმისთვის, რაც უკვე გააკეთა ჩვენთვის და უპასუხა ჩვენს ლოცვას ბოლომდე გაძლების ძალისთვის. მან არა ერთხელ მოგვგარა სიმხნევე და ძალა.

შეიძლება თქვენ გაგიჩნდეთ კითხვა: რისი გაკეთება შეგიძლიათ, რათა ამ კვირას იცხოვროთ და თავყვანი სცეთ ღმერთს ისე, რომ გამოავლინოთ მადლიერება და

გააძლიეროთ საკუთარი თავი და სხვები იმ განსაცდელისთვის, რაც მათ წინ ელით.

შეგიძლიათ დაიწყოთ დღეს პირადი და ოჯახური ლოცვით და მადლობა შეწიროთ ღმერთს ყველაფრისთვის, რაც მან გააკეთა თქვენთვის. თქვენ ასევე შეგიძლიათ ილოცოთ, რათა გაიგოთ, რა სურს უფალს თქვენგან მისთვის და სხვების მსახურებისთვის. ფაქტიურად, თქვენ შეგიძლიათ ილოცოთ, რომ სულიწმინდამ გიკარნახოთ, ვინ არის მარტო ან გაჭირვებაში, ვისთანაც უფალს სურს, რომ მიხვიდეთ.

მე შემიძლია შეგპირდე, რომ თქვენ ლოცვებზე პასუხს მიიღებთ და როცა იმოქმედებთ მიღებული პასუხების თანახმად, თქვენ შაბათის დღეში იპოვით სიხარულს, გული კი სიხრულით აგეცხებათ.

მე ვმოწმობ, რომ მამა ღმერთი გიცნობთ და მას უყვარხართ. მხსნელმა, უფალმა იესო ქრისტემ, თავი გაწირა თქვენი ცოდვებისთვის, რადგან მას უყვარხართ. მათ, მამამა და ძემ, იციან თქვენი სახელი ზუსტად ისე, როგორც იცოდნენ წინასწარმეტყველი ჯოზეფ სმითის სახელი, როცა გამოეცხადნენ მას. მე ვმოწმობ, რომ ეს არის იესო ქრისტეს ეკლესია და რომ იგი პატივს სცემს თქვენ მიერ ღმერთთან დადებულ აღთქმებს. თქვენი არსი შეიცვლება და უფრო დაემსგავსებით მხსნელს. თქვენ ძალა მოგეცემათ ცდუნებების დასაძლევადა და ჭეშმარიტების მიმართ ეჭვის გაჩენის საწინააღმდეგოდ. თქვენ შაბათის დღეში სიხარულს იპოვით. მე ამას გპირდებით იესო ქრისტეს სახელით, ამინ.


#### შენიშვნები

1. იხ. მოძღვრება და აღთქმები 59.
2. მოძღვრება და აღთქმები 59:5, 7-8.
3. მოძღვრება და აღთქმები 59:21.
4. “დაითვალე ყველა შენი დალოცვა,” ჰიმნები, no. 241
5. მორონი 4:3; 5:2; მოძღვრება და აღთქმები 20:77, 79..
6. 1 ნეფი 14:12, 14
7. Doctrine and Covenants 78:17-19; emphasis added.
8. მოსია 24:13-15.

# სადღეისო სწავლება

**2016** წ. ნოემბრიდან 2017 წ. აპრილამდე მელქიედეკის სამღვდლოებისა და მოწყალების საზოგადოების გაკვეთილები თვის მეოთხე კვირას უნდა მომზადდეს 2016 წ. ოქტომბრის გენერალური კონფერენციის მასალებიდან. 2017 წ. აპრილში გამოსვლების შერჩევა შეგიძლიათ აპრილის ან ოქტომბრის გენერალური კონფერენციის მასალებიდან. პალოსა და ოლქის პრეზიდენტებს შეუძლიათ აირჩიონ გამოსვლები, რომლებსაც ისინი გამოიყენებენ თავიანთ ოლქებში ან დაავალონ ეს ეპისკოპოსებსა და მრევლის პრეზიდენტებს.

გამოსვლები სხვადასხვა ენებზე იხილეთ **[conference.lds.org](http://conference.lds.org)**.



პრემიერენტ თომას ს. მონსონის მიერ

# ბედნიერებისკენ მიმავალი სრულყოფილი გზა

მე ვმოწმობ დიდებულ ძღვენზე, რომელიც არის მამაზეციერის გეგმა ჩვენთვის. ეს არის ერთი სრულყოფილი გზა სიმშვიდისა და ბედნიერებისკენ.

ჩემო საყვარელო დებო და ძმებო, აქ, საკონფერენციო ცენტრში და მთელს მსოფლიოში, რაოდენ მადლიერი ვარ ამ შესაძლებლობისთვის გაგიზიაროთ ჩემი აზრები ამ დილით.

ორმოცდათორმეტი წლის წინ, 1964 წ. ივლისში, მე მივიღე დავალება წავსულიყავი ნიუ-იორკში, სადაც ტარდებოდა მსოფლიო გამოფენა. დილით ადრე ვეწვიე მორმონთა პავილიონს გამოფენაზე. მე ჩამოვედი ზუსტად საეკლესიო ფილმის ჩვენების დაწყებამდე ადამიანი ბედნიერების ძიებაში რაც არის ხსნის გეგმის მხატვრული ჩვენება, რომელიც ეკლესიის კლასიკად იქცა. მე ახლაგაზრდა მამაკაცის გვერდით ვიჯექი, რომელიც ალბათ 35 წლის იქნებოდა. ჩვენ მოკლედ გავესაუბრეთ ერთმანეთს. იგი არ იყო ჩვენი ეკლესიის წევრი. შემდეგ ჩაქრა შუქი და დაიწყო ჩვენება.

ჩვენ ვუსმენდით მთხრობელის ხმას, რომელმაც დასვა მწვავე, საყოველთაო საკითხი; „საიდან მოვედი? რატომ ვარ აქ? სად წავალ

ამ ცხოვრების შემდეგ“? ყველამ ყურები დაცქიტა პასუხების მოლოდინში და ყველას თვალები ჰქონდა მიმართული ეკრანისკენ. გადმოვიცა ჩვენი წინამიწიერი ცხოვრების აღწერა, თან ჩვენი დედამიწაზე ყოფნის მიზეზი ახსნეს. ჩვენ მოწმენი გავხდით გულისამაჩუყებელი სურათისა - მოხუცი პაპის გარდაცვალება და მისი დიდებული შეხვედრა საყვარელ ადამიანებთან, რომლებიც მასზე ადრე გადავიდნენ სულების სამყაროში.

მამაზეციერის ამ მშვენიერი გეგმის ჩვენების ბოლოს ხალხი ჩუმად გამოდიოდა დარბაზიდან, ჩანდა, რომ მათ ფილმის გზავნილი შეეხოთ. ჩემს გვერდით მჯდომი მამაკაცი არ ადგა. მე ვკითხე, მოეწონა თუ არა მას ფილმი. მან მრავალმნიშვნელოვნად მიპასუხა: „ეს ჭეშმარიტებაა“!

ჩვენი მისიონერები მთელს მსოფლიოში ასწავლიან მამაზეციერის გეგმას ჩვენი ბედნიერებისა და ხსნისთვის. განა ყოველი ადამიანი, რომელიც ისმენს ამ გზავნილს, იღებს მას? მიუხედავად

ამისა, ქალები და მამაკაცები ყველგან, ზუსტად როგორც ჩემმა ახალგაზრდა მეგობარმა ნიუ-იორკის გამოფენაზე, აღიარებენ ამ ჭეშმარიტებას და დგამენ ფეხს იმ ბილიკზე, რომელიც უსაფრთხოდ მიიყვანს მათ სახლში. მათი ცხოვრება სამარადისოდ შეიცვალა.

გეგმის მნიშვნელოვანი ნაწილია ჩვენი მხსნელი, იესო ქრისტე. მისი გამომსყიდველი მსხვერპლის გარეშე ყველაფერი დაიკარგებოდა. თუმცა საკმარისი როდია უბრალოდ გწამდეს იგი და მისი მისია. ჩვენ უნდა ვიმუშაოთ და ვისწავლოთ, ვეძიოთ და ვილოცოთ, მოვინანიოთ და გამოვსწორდეთ. ჩვენ უნდა ვიცოდეთ უფლის კანონები და ვიცხოვროთ მათ მიხედვით. ჩვენ უნდა მივიღოთ გადარჩენის ეს წეს-ჩვეულებანი. მხოლოდ ასე ჩვენ მივიღებთ ჭეშმარიტ, მარადიულ ბედნიერებას.

ჩვენ დალოცვილნი ვართ იმით, რომ გვაქვს ეს ჭეშმარიტება. ჩვენ გვაქვს ამ ჭეშმარიტების გაზიარების დავალება. მოდით, ვიცხოვროთ იმ ჭეშმარიტებით, რათა მივიღოთ ყველაფერი, რაც მამას აქვს ჩვენთვის. ყველაფერს, რასაც იგი აკეთებს, ჩვენს საკეთილდღეოადაა. მან გვითხრა: „ეს არის ჩემი საქმე და დიდება - მოვახდინო ადამიანთა უკვდავება და მარადიული ცხოვრება“.<sup>1</sup>

ჩემი სულის სიღრმიდან და მთელი თავმდაბლობით, მე ვმოწმობ იმ დიად ძღვენზე, რომელიცაა მამაზეციერის გეგმა ჩვენთვის. ეს არის ერთი სრულყოფილი გზა სიმშვიდისკენ და ბედნიერებისკენ, როგორც აქ, ისევე იმ სამყაროში, რომელიც გველის.

ჩემო დებო და ძმებო, დასასრულს, მე გიტოვებთ ჩემს სიყვარულსა და დალოცვებს და ამას ვაკეთებ ჩვენი მხსნელისა და გამომსყიდველის, იესო ქრისტეს სახელით, ამინ.

შენიშვნები  
1. იხილეთ მოსე 1:39.